



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 633. Usque Ad Annum 726

Fleury, Claude

August. Vind. [u.a.], 1760

VD18 90117840

§. 51. Wamba Rex Gothorum.

[urn:nbn:de:hbz:466:1-66082](https://nbn-resolving.org/urn:nbn:de:hbz:466:1-66082)

Sæculum VII gem pervenit, & ex ejus consilio Dignitas Majoris Domus in Leudesium Erchinoaldi filium collata est. Ex his discimus, etiam sanctissimæ vitæ Episcopos jam illa ætate negotia Reipublicæ tractasse, & rebus turbatis, Præsules cum armatorum cohortibus, sicut ceteros Optimates, iter fecisse.

§. LI.

Wamba Rex Gothorum.

Hist. Jul. Tolet. Duchesne to. 1. hist. Fr. p. 811 **M**ores eosdem ac in Francia sub Regibus Gothorum fuisse legimus. Rege Recesuindo anno 672. vita functo, Wamba invitus ei Successor datur, atque Toleti Oleo Benedicto super caput ejus a Quiricio Archiepiscopo effuso consecratur. Nunquam antea legi, Reges unctos fuisse. (*) Vix dum novo Rege inaugurato, in Gallia Narbonensi Seditio in eum movetur, cujus capita erant Ildericus Comes Nemausi, Gumildus Episcopus Magelonensis, & Abbas, nomine Ranimirus seu Ramirus, Ildericus cum Aregium Episcopum Nemausinum in suam factionem pertrahere non posset, eundem vinculis onustum misit ad

(*) Saltem illam Traditionem non ignoraverit Fleurius, secundum quam, cum baptizandus esset Rex Clodoveus, ampulla Chrismatis columbæ ore scelitus allata est. Brev. 1. Octob.

ad Francos, atque in ejus Sedem Rami-
 rum Abbatem intrusit, cujus vero Electio
 nec Auctoritate Principis, nec Metro-
 politæ confirmata. Insuper a duobus so-
 lum, & exteris Episcopis ordinatus est.

Sæculum VII
 A. C. 674.

Rex Wamba comperta seditione mi-
 sit ad reprimendos Rebelles Paulum Du-
 cem, qui & ipse ab eo defecit; Argeba-
 dum Archiepiscopum Narbonensem se
 objectis claustris a Civitate arcere pa-
 rantem celeritate antevertit, & capta
 urbe assumptoque Regis titulo illius Fa-
 ctionis Princeps extitit. Cum deinde
 ipse Rex Wamba in seditiosos movisset,
 urbes omnes ipsamque Narbonam ite-
 rum in potestatem redegit. Gumildo
 Episcopo animus erat Magellonam ur-
 bem propugnare, sed prævicens, se ter-
 ra marique obsidendum, illa relicta, Ne-
 mausum se recepit cum Paulo, qui ibi-
 dem urbe deinde obsessa & dedita ca-
 ptus est. Nam vires sibi deesse, quibus
 urbem tueretur, intelligens, ad Regem
 Wambam misit Archiepiscopum Narbo-
 nensem, qui oblato prius S. Sacrificio, ut
 erat vestibibus Sacerdotalibus indutus in
 conspectum Regis se conferens, prostra-
 to in terram corpore, vitæ gratiam reis
 impetrare conatus est. Movit Regem
 tanti Supplicis Oratio. Omnia vasa sa-
 cra a Paulo in belli sumptus ablata, at-
 que inter alia coronam auream a Rege
 Recca-

Sæculum VII Reccaredo ad ornandum S. Felicis Ge-
 A.C. 675. rundani sepulchrum donatam, quam ve-
 ro Paulus capiti suo imposuerat, reddi
Ibid. p. 831. iussit, & Toletum reversus in Rebelles
 in Conventu totius Nationis secundum
 Canones & Visigothorum Leges judi-
 cium ferri voluit. In illa sententia de
 ultimo Canone Concilii Toletani quarti
 mentio facta, & pronunciatum, Rebel-
 les esse morte dignos; si tamen Rex par-
 cere vellet, id ea solum conditione fe-
 ri oportere, ut singulis oculi erueren-
 tur.

to. 5. Conc.
 p. 1714.
 Sup. Lib.
 XXXVII.
 §. 49.

§. LII.

Concilium Toletanum XI.

Victoria de seditiosis reportata Rex
 Wamba in exornanda Civitate To-
 letana, Metropoli sua, totus fuit, po-
 suitque in portis Sanctorum Virorum
 statuas arte singulari elaboratas, additis
 inscriptionibus, quibus Cives eorum Tu-
 telæ committebat. Regis ejusdem iussu
 Concilium Provinciæ Hispanicæ Car-
 thaginensis, quod inter Toletana unde-
 cimam numeratur, celebratum. Con-
 venere Patres in Ecclesia S. Virginis septi-
 mo die Nov. anno quarto Regni ejus,
 Jesu Christi 675. & imprimis quereban-
 tur, rarissime Concilia celebrari; Con-
 cilium enim Toletanum decimum anno
 656. fuerat congregatum, atque annis
 octode-

to. 6. Conc.
 p. 539.

Ibid. Pac.
 p. 8. 9.